



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

A s'acabu nci dd'ant fata!

Sàbudu su 11 de Martzu s'APS "Sinnai e Dintorni" est arrenèschia a fai sa cumèdia de "Cranovali Mortu", manca su bentu forti chi tiràt.

Sa cumèdia spassiosa nascit in beridadi puru cun sa bidea de poni s'atenzioni a pitzus de is probemas de sa bidda, difatis funt medas is arrelatas a totus is acuntèssius de s'annu passau.

In manera spassiosa si strocint puru is prus personàgius famaus de sa bidda, butegheris, politicus, assessoris, nci passant totus.

Sa stòria est simpli meda, Cranovali a pustis de una satzadura foras de contu si intendi mali e morit, sighint aici is fainas chi sighint una morti: sa benedizioni de su predi, s'autopsia e su momentu prus abetau sa ligidura de su testamentu de Cranovali.

Custu testamentu, comenti eus nau antis est brullanu ma est una denùntzia sotziali de totus is cosas chi in sa bidda no andant cumentis depint.

In antigòriu sa cumèdia fiat giai totu a bolu, improvisada, s'ùnica parti scritta fiat apuntu su testamentu de Cranovali, chi depiat essi studiada beni meda.

S'arrenèschida de sa cumèdia est stètia manna manca su bentu e duncas a atrus annus mellus!